



Lets in Osterie:

SORELI JEVÂT A MONT

di Raffaele Serafini

CE LIBRI ISAL?

Al è il libri jessût pe Forum in ocasion dal Premi San Simon 2015, publicât propit il 28 di Otubar e cun la opare vincidore. Il libri al à 124 pagjinis, al coste 16 euro e al à dentri 10 contis ambientadis in Friûl, 10 haiku dai poetes vielis gjaponês e 10 descriziions di mostris gjaponês cun 10 disens, che si puedin viodin ancje te cuviertine, disegnade ancje chê dal autôr.

MA CUI ISAL L'AUTÔR?

Raffaele Serafini, al è il nestri e vuestri Ostîr de Osterie, che al à fat des contis curtis une direzion di ricercje de sô narrative e al scrîf di spes di gjenar fantastic, ancje se nol dinee chei altris. Altris contis sôs si puedin cjatâ su cheste ostarie inte [pagjine dal Ostîr](#). In bande de Osterie, l'autôr al à ancje il blog [gelostellato](#), par talian, e [Salvadeat](#), par furlan. Al scrîf pensîrs e al met fotografiis [suntun altri](#). Al à vût publicaziions se ricognossiments in concors, sedi in lenghe taliane, e cheste e je la publicazion jessude dal Premi San Simon 2015.

MA CE ISAL DENTRI, DI PRECÎS?

Dîs contis di gjenar a mieze strade tra il fantastic e il mainstream, che a tiri dongje une sugjection ispirade a un yōkai, une figure de mitologjie di soreli jevât, e la misturin cun fats, lûcs o personaçs dal Friûl, chi a soreli a mont. Devant di ogni conte al è stât voltât par furlan un haiku, e ae fin di ogni conte, a sclarî la nature dal yōkai, une piçule descrizion (scrite di Luca Filipuzzi) e un disen dal autôr, (mateât un pôc di Gianluca Morena). Ae fin dal libri e je una zonte che e spieghe alc sui haiku, sui yōkai e e spie alc dal Friûl platât tal libri. Alc di plui, [par talian, si lu cjate achi](#).

MA A CUI I PUEDIAL PLASÊ?

A ducj chei che a viodin il furlan tant che lenghe buine par scrivi di ogni sorte di argoment e facile di lei. A chei che ur plasin lis tradizions e il folclôr, sedi di cjase, sedi forest. A chei che ur plâsin striis, mostris, vampîrs, ma ancje emozions umanis in gjenar, dal amôr al svindic, de amicizie a tristerie. A chei che a àn voie di scuvierzi un Friûl che no simpri si cognòs, cun personaçs, lûcs e storiis che no son veris, ma a podaressin ancje seilu. E so redut ai curiôs, che dopo vê zirade la ultime pagine a àn gust di vê ancje imparât alc.

E SE O AI VOIE DI CJOILU?

Si pues cjapâsi sù e **lâ a cjoli une copie scontade drets tal paîs dal autôr, a Sclaunic, li de mercerie-tabachin Gomba**, in place, (se si è fortunâts si pues ancje cjatâ cjase l'autôr, al numar 6, - o visâlu prime - e fâsi firmâ il libri).

Si lu cjate di sigure ae Librerie Friulibris, a Udin, ma ancje in altris libreriis di Udin.

Par comprâlu scontât [in rêt drets dal sît de Forum](#).